

中华全国图书馆

文献缩微中心



山西省图书馆 摄制

1989

[雍正]朔州志十二卷

(清)汪嗣聖修 王翳纂

清雍正十三年刻本

八册

原件收藏

山西省图书馆

原件书号

7400-07

原件状况

原件有部分有污迹


原件个别地方破损

本部书共摄制 1 卷 卷一至卷十二

版权所有 不准复印

# 本部书开始

本片卷含：卷一至卷十二



②

朔州志

第一冊	序 目錄	姓氏 圖考	凡例 星野
第二冊	方輿		
第三冊	建置		
第四冊	職官 名宦		
第五冊	賦役		

第六冊	武備		
第七冊	選舉		
第八冊	人物 外志		
第九冊	藝文上		
第十冊	藝文下		

朔州古鄯陽地為雲中支郡遙控長城  
外連大漠背居延而面燕京右偏關而  
左雁門襟山帶水四塞為固固西北  
大扼塞也雍正三年

聖天子加意封疆以邊境寧謐軍丁久沐  
王化爰裁衛所特置郡邑於是即右衛為朔  
平府轄一州四縣而朔州隸焉是年三  
月余需次詮曹夏五選西川之梓潼令  
至六月引

見蒙

皇恩拔擢特授爲朔州牧于時銜

命單車就道以七月十八日抵朔受事至則見其山川環繞土地平曠固居然上國風也下車未幾取州志而披閱之乃知州之有志創自前明州守李公邦直而畢公鸞許公爾忠翁公應祥相繼增修皆兢兢乎有憂深慮遠之思焉至我

朝順治庚子則有侯公樹屏於文獻荒殘之餘特加修輯而後廢者復舉越康熙壬子吾鄉方公喬又取而增益之則今所存州志也歲久脫誤幾於魯魚亥豕矣余不敏承乏茲土適當改隸之初徵文考獻固司牧事也其何可以不文辭且此數十年中建置之修廢戶口之登耗貢賦之贏縮官師政教之隆替民風士習之淳薄節義文章之盛衰日新月異其所當記載者何窮州志之修又烏

可已哉是以每於因公出境足跡所至  
觀風採俗弔古詢遺時時紀錄思欲摺  
摭舊聞纂組時事勒成一書因與紳衿  
數輩商共襄厥事僉曰歲儉賦逋經營  
無力未遑是也而余自莅任後蒿目警  
心皇皇焉振凋起弊撫字催科日不暇  
給雖欲徵文考獻以纂修志乘亦付之  
有志未逮而已夫事莫重於國賦民命  
而治莫先於風俗人心朔地處邊陲土  
瘠民媮而又漸于侈靡之習刁悍之風  
以故賦多積逋而俗鮮醇良我

皇上軫念民艱蠲租賜復重農勸墾之詔時  
下教訓正俗之條屢頒而

各上憲布宣德意協氣旁流數載以來  
時和年豐土地漸闢民業漸復十餘年  
之逋賦輸納恐後蓋

國計饒而民生足駸駸乎大異昔觀矣而  
且人文蔚起科目蟬聯鄉序太學彬彬



稱盛下逮僻壤窮鄉被服

聖訓禮讓成風亦蒸蒸漸化其驕悍之氣余乃私心自喜曰倉廩實而知禮節衣食足而知榮辱州志之修其在斯時乎乃者

聖天子編集統志全書

詔直省纂輯通志檄行所屬郡邑各纂志乘而我郡憲劉公創修府志既成頒發州邑煌煌文獻一時人士目擊心動忻

然以增修州志爲請余既喜其成余宿志而平邑學博王介菴先生爲余齊年友適有署州學之役余因丐其編纂而州人士羣相引重有同心焉蓋府志之修君從事爲多而余昔在郡時又與訂有成言故也於是據紳士之請申詳各憲俱報可乃具書幣遣使者而禮聘焉而復招集儒生給筆札資廩餼以備校讎於是旁搜博採取古史及志並天

文輿圖文獻通考諸書詳加考訂擇其  
有關於朔者筆而錄之而因以刪解舊  
志博采時事分類綜要規以大體盡其  
節目準府志爲十二綱目八十有六稿  
成屬余是正余以公餘披覽其間有補  
舊志所未備者圖考建置外志也有即  
舊志加詳者星野方輿職官名宦武備  
選舉藝文也有舊志分析而今歸並者  
祥異隸於星野沿革山川古蹟風俗隸  
於方輿公廨學校祠祀隸於建置也至  
如戶口田賦物產舊志分而爲三茲則  
統於賦役志而增以稅課而於圖考星  
野方輿建置等目內又益以附見贈分  
廬列依類以從蓋君之揆精摠思據事  
屬詞者亦庶幾詳且核矣余謏劣無似  
何敢侈談潤色之業願君不以余卑鄙  
互相商榷且以近今之人物藝文授余  
評隲余何敢自逸乃悉心采擇除煩去

濫以求確當而於各體中亦間叅未議  
以成厥勞敢曰闡幽顯析微類備一方  
龜鑑乎亦聊以畢吾初志云爾是役也  
始於甲寅仲春閱三月而稿成以夏五  
開雕告竣於乙卯季春於時分類編摩  
者則有學正霍君連斗司訓郝君光銓  
吏目朱子士顯而州屬之紳衿士庶叅  
閱分校踴躍趨事不憚勞不惜費取懷  
而予咸與有力焉而余因之有感矣前  
明李公劄修州志如草昧初開繼此若  
畢若許若翁諸君子以次增修皆以蠱  
多弗振爲慮至我

朝侯公當亨也之始方公值續修之際亦  
惟是修舉廢墜增益時事而已其於振  
民育德之事固未能暢然而滿志也余  
以菲才代匱方且惴惴焉履鍊是懼而  
尸素十載歷任獨深竊喜遭逢

盛世茹濟太和頻年雨暘時若休徵協應

國賦裕而民生厚人心風俗返於醇良於  
以備實錄而光志乘視諸君子有厚幸  
焉余小臣謹拜手颺言以志一統之盛  
云 昔

皇清雍正十三年歲在乙卯春三月上浣  
賜同進士出身

特授奉直大夫知山西朔平府朔州事加二  
級紀錄四次楚江陵汪嗣聖謨



### 重纂朔州志序

朔之志纂於明正德己巳州牧李公邦  
直修於嘉靖辛卯畢公鸞萬曆戊申許  
公爾忠崇正甲戌翁公應祥重修於

國朝順治己亥侯公樹屏康熙壬子方公叔  
裔就其文考其事論其世知其人李詞  
簡而義當其創焉者也翁承凋敝之餘  
侯當更新之始類有深思遠慮若畢若  
許若方皆因之者也而亦有淺深疎密

之不同朔舊有志茲亦修也何以名纂  
曰制度數更規模全易故曰纂也創始  
於前繼起於後是謂重耳明以前無志  
乎曰莫可考已漢唐之代閱世皆久朔  
隸中國人文迭興何以無志曰朔古用  
武地也文事不多槩見何以驗之唐虞  
三代之世見於堯典止曰宅朔方見於  
周詩止曰城朔方而已春秋晉之北鄙  
狄人居之趙襄子破林胡樓煩攘地千  
里用武也秦漢相繼擊匈奴日事征伐  
用武也光武居烏桓於塞內曹魏自陘  
嶺以北並棄於外晉封拓拔氏爲代公  
居馬邑皆狄人也非尚文事者元魏孝  
文思變國俗南遷於洛懷朔爲六鎮之  
一居斯地者爲柔然尉遲越勒莫弗諸  
部既而六鎮皆叛羣雄竊據用武不暇  
而遑文事哉北齊北周爲時無幾隋於  
朔築大利城居突厥繼遭劉武周之亂

唐初屢征突厥後又居突厥降戶及沙  
院朱邪誰非用武者石晉割朔以賂契  
丹趙宋固文治可觀而朔之隸宋前後  
未及三載然亦用武不遑文事也自是  
而金而元設官分治迄於百年其間豈  
無文事蓋緣朔至有明地雖內屬虛無  
人焉文獻無一存者及設衛置州募人  
實邊非南來從征即北方遷徙然猶外  
患憑陵戎馬生郊雖尚文事大半用武  
是以閱歷數世延至中葉而後有記載  
之書矣欽惟我

朝永清大定武功敕寧文德誕敷禮樂文章  
之化徧於海隅迺者

聖天子允輔臣請纂一統志

勅直省督撫檄行郡縣各備志乘採入通志

繕冊 進呈以昭

當代文明之盛

郡伯劉公創修朔平府志余官學博例當

從事其間書成分布長吏屬員朔州

刺史汪公時同在郡覽之色喜顧余而言曰州有舊志年遠紀畧藏之中心九載於茲以簿書鞅掌欲修未遑先生肯為我贊成之乎余應之曰修廢舉墜郡大夫職也叙述編次學博士事也即不文其何敢辭公歸至州余旋有署州學之役公乃具書幣遣使聘余往集紳士公所捐俸為衆倡翕然相從以其事公呈於州通詳 上憲報可公遂適館授

餐余即計日舉事於癸丑仲冬哉生明偕文學劉生煇武庠馬生元誦國學蔚生懋禮冒雪衝寒跋山涉川先徧覽其形勝古蹟寓於目而會於心及望還至州靜處一室翻閱天文地理文獻通考通鑑紀事廣治平畧諸書十餘部於凡有關於朔者隨呵凍手錄以資叅訂臘後返平學越次年甲寅春夏之間兩詣

朔三閱月分門別類挨次纂編星野因  
得天元曆理別本方輿緣係朔州一處  
專志較府志爲加詳與夫建置之興廢  
職官之新舊賦役之增減武備之添設  
以及選舉外志等項皆社稷民人文物  
典章之所在靡不憚乃心竭乃力原始  
要終條分縷析纖細不遺絲毫  
不忽期於詳悉而後已設今有缺後將無考弗  
敢安也至人物藝文二款拾遺補漏參  
互考訂叙至舊志中已載論定者而止  
其未經論定者屏絕往來謝却餽遺弗  
敢私也間有投贈悉歸於州散及兩廣  
文一贊府二孝廉諸君子與衆共之各  
見其長弗敢專也即余所編諸稿凡為  
綱者十有二爲目者八十有六咸就正  
汪公裁定公荆楚名宿與余為同年友  
余知之最稔學有原本主敬持靜溫文  
爾雅制藝外博極羣書兼工詩詞翰墨



爲政和平子諒處事詳審凡余所編次  
諸有不當意者悉心改正斟酌盡善俾  
足以信今而傳後而余得附名冊末以  
垂將來與有榮施矣是役也自前同余  
採訪三人外經理則有七十老翁之國  
學盧君彬辦事則有少年之武庠杜子  
琦兼寫圖之文學蔚生懋義共六人皆  
勤劬弗遑晝日三接者也若明經王君  
祺生牛君耀德俱各有所司事而叅閱  
較正則諸生張子錦蔚子懋中牛子侯  
王子軒徵張子善化馬子符祥支子叔  
南劉子承勳八人皆知文能書朔庠中  
翹楚咸與有力焉而余更有進者志者  
記載之書卽一州之史也朔當邊關內  
外之間值

國家文治之會歷數十年而一修志風化  
關焉勸懲寓焉世道人心係焉類欲其  
清不欲其混記欲其詳不欲其畧事欲

其實不欲其妄人欲其真不欲其偽倘  
飾以虛詞圖為美觀則識者且將議其  
後矣敢乎哉至文之工拙義之當否余  
非史官愧乏史才祇以偶爾來朔承汪  
公托羣相推許分不容辭聊以畢吾責  
焉耳敢自以為是乎哉

告

皇清雍正甲寅夏六月乙丑日

賜同進士出身前任湖南慈利令詳請

題補學博以教授管平魯縣儒學訓導事  
署朔州學翼城王霧撰



朔州志

凡例

一纂志例

志者記載之書體與史異史有專官掌於王朝編年紀事所以垂法戒示勸懲也志為外乘逮於郡邑徵文考獻不過輯見聞備記錄而已然彰往詒來據實直書儼然史氏法焉茲編援古徵今務求確當弗敢浮光掠影虛妄貽譏

一州志例

州志與省志府志義例雖同體格微異省志府志俱有統轄提綱繫領勿致疎漏可矣太多則繁州志止於一處地方事宜今昔殊軌悉宜登載以資考証太少則簡茲編凡人與事有關地方者博採廣搜雖微必載不敢遺也

### 一網目例

凡書有綱有目易於參閱綱目不分則混淆無紀覽者病焉嘗見他志有散列數十款者殊無倫次茲編立綱一十有二而各以其目附於綱之下庶序次不紊按部可稽也

### 一圖考例

志有圖有籍籍以記事圖以象形兩相須也嘗見他志圖考有總列於籍前者開卷即見而後難較閱苦其脫離有分列於籍中者便於觀覽而前未開明究不分曉茲編於天文圖冠星野志地理諸圖冠方輿志邊城諸圖冠建置志而總冠一圖考志於冊首先詳序其目後分列於卷庶按圖考籍得以不紊云

### 一星野例

考歷代星家俱以天十二辰次配十二國野所言度數或多或少不無差別然天道微而難測自非素精其術何敢妄為置議顧兩儀一氣三才一理氣固相通理實不易嘗觀史策所載占候之驗節氣之應歷歷不爽則天道又顯而可見也茲編謹按星書談理精當者簡錄於篇以俟明哲者辨之。作志家每以祥異一項另分卷褒易曰天垂象見吉凶聖人象之誠以休咎應乎天文得失雖微罔不昭著則是災祥但驗於象緯星纏已可知也至於物類之異皆陰陽五行乖沴之氣未有物異於下而天不變於上者理實一貫非由強合故隸祥異於星野之內不復別為卷帙云

### 一方輿例

朔為古冀北域地其方輿之大小廣狹今昔殊制而其為朔州則一也考往古以明沿革接近今以正疆域道路關塞經界攸分山川形勝風景斯存巡幸多因邊警而至風俗亦由地氣使然至於古蹟地以人傳人以地著皆為志所必載隸之方輿以類相從也

一建置例

建置之名昉於周禮惟王建國之制而行之也設險守國城池為重命官分職公廨次之講學明倫學校為先春祈秋報祠祀次之至倉有積貯坊以旌表賑卹濟貧村庄經野以及置郵傳命除道成梁均為建置所必及若夫過墟生哀過墓則式則冢墓存亡亦關建置併志之庶免挂漏也

一職官例

朔自明初設衛置州文武分司衛官多世襲兼有經歷文職州官有州判兼有城守武職至於中葉駐劄總督兵道通判復有倉驛草場等官員奔紛繁迨我國初併衛歸州裁畱改設官制屢更分晰不清易於混淆茲編別衛營等官於武備志而於文職等官復以裁缺見設前後分載庶新舊各別大小不遺觀者可一目了然云

一名官例

朔祀名官自元魏司馬楚之始迄於

國朝楊達共廿四人歷覽諸史及州舊乘官斯土者勘定安

集撫綏教化豐功偉績尚有其人而皆未與祀典豈  
文德武功恩威異施有感有不感耶抑或曾列睿宗  
兵火湮沒不傳不傳耶茲編於載入祀典者列為  
名宦於未載祀典者附紀宦績以俟公論舉行焉

一賦役例

有田則有租有身則有庸田列三等戶分九則古制  
也朔州地居邊界世被外患其自明季迄於

國初兩遭兵燹丁既逃絕地亦拋荒什七八九平定之  
後招集開墾悉非其舊厥後併衛歸州簿籍散亂難  
以清楚茲編止以見在行差人丁起科田地冊報為  
據而稅課物產皆據實書之不敢遺亦不敢濫也

一武備例

武備之設關內用以防奸關外兼以敵愾朔州明初  
置衛開屯兼有城守官弁兵馬糧餉器械火炮邊墩  
堡寨為數最多

國初奉裁衛所止畱城守其間因時制宜改設駐防制  
亦屢更不與分析必至混淆茲編亦以舊制裁缺新  
制見設分列前後便觀覽也至款貢征討兵氛邊地

居多悉詳於冊見有備之自可無患也

一選舉例

選舉原為賢才而設而賢才非必出於一途科目責  
監文德武功俱有其人以至賓耆農官掾史四術或  
以德或以術雖不列銓選亦皆選於衆而舉之者也  
即封廕非由選舉亦本其先世登仕宦者而得之故  
皆列於選舉之內附載篇末俾人知自奮也

一人物例

叙人物而首鄉賢以其載入祀典故冠於前也其未  
經

題定者亦鄉賢也而以忠孝事功文行別之忠孝其大  
節也事功出而有爲文行處而有守皆謂之人物至  
於豪強雖非善類差勝凡庸他如操絮風霜譽流邦  
國才之難也有婦人焉故併及列女闡幽光裨陰訓  
也○品題人物必俟蓋棺而論始定固也然亦有敦  
品勵行齒近七八旬以上其德望久重鄉評者正不  
妨采擇一二以風末俗○列女以節為重其青年守  
義白首歸全者固得邀旌典而光紀乘至守志在三



十歲以上與歷年尚不逮五十者雖與定例有間然其甘貧苦節百折不回率皆冥踐義途無慙貞操亦同搜次附於篇末使邊方知所勸懲其於激揚風化未必無小補云

### 一外志

每見作志家多以流寓仙釋等項附於人物之後頗覺不倫府志倣外史之例而作外志以紀軼事又以邊方質樸神工匠巧傳者甚罕而附藝術於仙釋之內其分其合體例允洽茲編倣府志例而以仙釋方技統附流寓之中以此二項既不多見又非州屬所有不過僑居經過則皆附之流寓可也

### 一藝文例

### 藝文冠

### 詔勅

上諭崇典章也次奏議重謨烈也次文告布政教也碑記紀功載德民人社稷所關序傳述事表行名教綱常攸係他若墓表誌銘惟賢人君子為可傳至於詩歌詞賦必敦學和平有關於地與人者而後載餘概不

纂志姓氏

纂修

朔

州

知

州汪嗣聖

戊戌進士湖北江陵人

彙纂

署朔州學訓導以教授管平魯學訓導事王

霄 戊戌進士平陽翼城人

分編

朔州儒學學

正霍連斗

癸卯舉人平陽臨汾人

朔州儒學訓

導郝光銓

廩貢汾州府汾陽縣人

朔州吏

目朱士顯

貢監浙江紹興蕭山人

采輯

癸卯

科舉

人李浩發

本州人

巳酉

科舉

人閻式復

本州人

庚子  
甲辰

科副

梅周龍爽

本州人

歲

貢

生熊彭齡

本州人

總理

監生侯選縣

丞盧彬

本州人

儒學學生

員劉焞

本州人

參閱

歲貢候選訓

導王祺生

本州人

歲貢候選主

簿牛耀德

本州人

國子監監

生蔚懋禮

本州人

編次

拔貢

生牛

侯

本州人

拔貢

生張

錦

本州人

儒學廩膳生

員蔚懋中

本州人

較正

儒學廩膳生

員張善化

本州人

儒學 生

員蔚懋義 本州人

儒學 生

員馬元誦 本州人

儒學 生

員杜琦 本州人

叅訂

儒學 廩膳生

員王軒微 本州人

儒學 廩膳生

員馬符祥 本州人

儒學 附學生

員支叔南 本州人

儒學 附學生

員劉承勳 本州人

朔州志

目錄

卷之一

圖考志

天文諸圖 載星野志

疆域山川名勝古蹟全圖

疆域邊關城堡墩舖道里全圖 以上二圖冠方輿志

州城全圖 文廟全圖 文昌祠圖

關聖廟圖 城隍廟圖 林衙古剎圖

廣福鐘樓圖

文魁閣圖

州治圖

都司署圖

以上十圖  
冠建置志

### 卷之二

星野志

天文諸圖

周天象緯

渾天儀製

天元雲漢

北斗七星

二十八宿

古今分野

十二辰次

州郡纏次

北斗魁

天市垣

金水二星

女宿

胃昴畢井

諸星占

周書正歲

支干節氣

祥異

### 卷之三

方輿志

疆域諸圖

沿革

疆域

關塞

道路

山川

形勝

名景

巡幸

封建

古蹟

風俗

### 卷之四

建置志

州城諸圖

城池

堡寨

公署

學校

祠祀

壇壝

寺觀

倉庫

坊表

樓閣

郵政

里莊

驛遞

橋梁

家墓

卷之五

職官志

官制裁缺

官制見設

卷之六

名宦志

名宦 宦績

卷之七

賦役志

戶口 田賦 稅課 物產

卷之八

武備志

兵制裁缺

守備 器械

衛官 庫局

軍旗 教場

屯田 墩臺

馬政

兵制見設

將弁 教場

兵馬 汛防

糧餉

器械

火器

款貢 征討 兵氛

卷之九

選舉志

薦辟 進士 舉人 貢監 武科 將弁 封蔭

賓耆 農官 掾史 四術

卷之十

人物志

鄉賢 忠孝 事功 文行 豪強 列女

卷之十一

外志

流寓 仙釋 方伎

卷之十二

藝文

詔勅 奏議 文告 碑記 序記 序引

傳誌 傳誌 碑誌 銘墓表 論著 論議 詞章 贊文 祭文 銘

賦 詩

朔州志卷之一

圖考志

志何為而首圖考耶志以載籍圖以象形此圖籍所  
由名也顧籍可文著圖難言傳周禮九州圖籍掌於  
職方而籍不先圖良有以也觀象玩辭易固如是志  
亦宜然朔州星分畢南昴北天街之間地處河東山  
西陘嶺之界其間星野方輿疆域建置諸志各以類  
紀而仰觀俯察匪圖弗考茲於天文地理凡有關地  
方者悉繪以圖而分冠於其前庶圖與籍分而為二



而不混籍與圖合而為一而不離觀者按圖稽籍則  
思過半矣志圖考

天文全圖

渾天儀圖

天元雲漢圖

太極北斗七星圖

古分野圖

漢術分野圖

復古分野圖

北斗魁分主冀州圖

天市垣寓晉星圖

金水二星主山西圖

女宿寓晉星圖

星分胃宿圖

星分昴宿圖

星分畢宿圖

星分井宿圖

以上一十五圖冠星野志

朔州疆域山川名勝古蹟全圖

朔州疆域邊關城堡墩鋪道里全圖

以上三圖冠方輿志

州城全圖

文廟全圖

文昌祠圖

關聖廟圖

城隍廟圖

林銜古刹圖

廣福鐘樓圖

文魁閣圖

州治圖

都司署圖

以上十圖冠建置志

日月星辰仰觀成象河岳流峙俯察成形天地自然之圖也粵自龍馬負圖而出於河伏羲則之以畫八卦厥後唐堯觀河受圖夏禹鑄鼎象物姬公營洛佯來獻圖蕭相入關先收圖籍皆此物此志也我

聖祖仁皇帝化成久道萬國咸寧

命詞臣纂修

皇輿圖以昭盛治典綦隆矣

皇上續承大統文德覃敷禮樂治化徧於海隅雍正辛亥仲春丁祭日午刻有五色祥雲見於朔境光輝燦爛歷午未申三刻癸亥長至前七日申刻時方纂志復有慶雲祥光再見如前休徵疊應千載一時生其際者抑何幸也

# 朔州志卷之二

## 星野志

天文諸圖 周天象緯 渾天儀製 天元雲漢 北斗七星 二十八宿 古今分野十二辰次 州郡躔次 北斗魁 天市垣 金水二星 女宿 胃昴畢井 諸星占 周書正歲 支干 節氣 祥異


星野之說曷昉乎肇於易載於書記於周禮雜見於歷代天文志詳哉其言之矣纂志者率皆因之不易顧志之敘星野猶史之列天文也史列天文以明欽若志敘星野以驗占候若止載一二分野而全體弗具覽者杳不測其由來未免闕略之憾爰考諸書備

敘周天象緯渾天儀製天元雲漢北斗七星二十八宿古今分野十二辰次州郡纏次北斗魁天市垣金水二星胃昴畢井女宿及各星占周書正歲支干節氣祥異於後而分冠諸圖於前以為司占候察妖祥之一助而亦可以窺天文之槩矣志星野

古者太史之職觀天文察地理掌占候司紀載世有專官其於天文星野運行躔度辨之也詳占之也確乃世遠而書不盡傳經生鮮有習之者况天道微而難測何敢妄為擬議第全體弗具經緯莫分覽者不無缺略之憾考郡志按歷代天文志及文獻通考廣治平略山西通志敘次略備茲纂州志適有州明經前司鐸五臺盧君標年八十四以嘉興徐發天元曆理見示反覆披閱書亦不全內按徐發附記云昔歲壬午薄遊江右道出玉山過一羽士年可六旬頗饒脩逸率爾敘談見其手持大幅圖曰天元滿幅作一圓徑可二尺許中又一小圓可五寸許小圓中作北斗形偏著下方小圓之外皆二十八宿象略與今天文家不同却無字記惟斗下橫列天正二字與外圍軫宿相值東南角又列地正二字與外圍畢宿相值西南角又列人正二字與外圍女宿相值如此而已其大圓之外四角有歌訣數行時頗忽之不能記憶至丙午夏又於都門報國寺中遇之視手中所持舊圖依然如昨時發已稍知星理因深請之頗為指示則與時術迥別且謂天文地理星命術數無不盡此圖圖雖一而實三世人知其一不知其二蓋太古聖人所造藏在嵩山石壁因自號嵩山道人發玩其圖習其學悟其理作天元曆理傳之於世今按其書大槩出汲冢逸周竹書所言頗有特見披閱數過手不忍釋恐失其傳因分別附錄於各星圖之後俾朔之人士即不習天文者覽之亦可以得其槩非汎然誇多而闕靡也

天文全圖

周天三百六十五度四分度之一積一百七十一萬二千一百十三里每一度百分四十分度之一即百分中二十五分



七曜三垣紫微垣內北極當天之中極南為太陽極  
 北為太陰日月五星行太陰則無光行太陽則能照  
 故為昏明寒暑之限極二十八宿為十二分野

漢天文志曰凡天文在圖籍昭昭可知者經星常宿中外官凡百一十八名積數七百八十三星皆有州國官宮物類之象其伏見早晚邪正存亡虛實闊狹及五星所行合散犯守陵歷闕食彗孛飛流日月薄食暈適背穴抱珥虹蜺迅雷風妖怪雲變氣此皆陰陽之精其本在地而上發於天者也政失於此則變見於彼猶影之象形響之應聲是以明君覩之而寤飭身正事息其咎謝其過則禍除而福至自然之符也

晉天文志曰張衡云文曜麗乎天其動者有七日月五星是也日者陽精之宗月者陰精之宗五星五行之精象星布列體生於地精成於天列居錯峙各有攸屬在野象物在朝象官在人象神其以神差有五列焉是為三十五名一居中央謂之北斗四布於方各七為二十八舍日月運行歷示吉凶五緯纏次用告禍福中外之官常明者百有二十四可名者三百二十為星二千五百微星之數蓋萬一千五百二十庶物蠢蠢咸得繫命焉不然何得總而理諸後武帝

時太史令陳卓總甘石巫咸三家所著星圖大凡二百八十三官一千四百六十四星以為定紀今略其昭昭者以備天官云

平江蔡方炳纂宋朱子治平略周天象緯曰聖人觀乎天文以察時變天蒼蒼耳稱之曰文賴有七曜三垣二十八宿以昭示焉耳七曜日月五星是也日陽之精月陰之精一歲相會凡十二日至婁井之方月行青朱之道為春為夏曰至角牛之方月行白黑之道為秋為冬日道發南則影長極遠而冬至日道斂

北則影短極近而夏至二至之中則道齊影正而春秋分山嶽之精鍾而為星五星水火木金土五行之精光也木王春曰歲星主東嶽徐青兗三州火王夏曰熒惑主南嶽荆揚二州金王秋曰太白金主西嶽雍州梁州水王冬曰辰星主北嶽冀州土王四季曰鎮星主中嶽豫州內而紫微太微天市三垣分焉外而四維東則角亢氐房心尾箕北則斗牛女虛危室壁西則奎婁胃昂畢觜參南則井鬼柳星張翼軫列為二十八宿而十二辰分焉三垣二十八宿與天竝運

一定不移為經星日月金木水火土七曜運行於列宿無定在為緯星垣宿布其經日月五星運其緯經堂位天子巡狩之居歲臨之太微朝廷位聽政之居日臨之紫微宮寢位燕息之居朝夕在焉七曜必遵黃道歷天街歲一受事於太微而出猶大臣受命天子之朝以行其職二十八宿分列四方各守其野率諸經星以其紫微之帝猶郡國百司各治其職安其民人以承天子周天以紫微垣為中雖天運無窮三光迭曜惟極星不移故曰北辰居其所而衆星共之北辰最尊本無星也極星乃其芻之最近者其實極星未嘗不動特動之最微不覺其動謂北極為天之樞其義深矣周天必以斗杓直乾亥為正亥子之月占於昏巳午之月候於旦斗為帝車運乎天中臨制四方以建四時均五行天帝有常尊天樞有定所天度有定數北斗七星在太微北七政之樞機陰陽之元本二十八宿者蒼龍白虎朱雀元武各七宿角圭發育萬物亢曰疏廟氏為天根房天子之後寢心天




子象人之主也尾主后妃箕承帝掃斗主薦賢受祿  
牛女相聯主耕織虛危北陰主死喪危禍室以農畢  
見主營建宮室壁圖書秘府奎天子武庫婁主蕃牧  
犧牲以供祀事胃儲五穀之府昴主刑獄畢主邊兵  
參主大將參謀觜行軍藏府井主水衡法令平中之  
事鬼主內外祠祀事柳主草木為天廚燕享星為文  
明之會主衣裳文繡張主珍寶宗廟服用翼天子樂  
府軫主車騎任載若乃日之行道周天如錯環月亦  
然兩環相交一謂天首一謂天尾天尾為計天首為  
羅月行遲速有常度最遲處為孛星謂之月孛孛六  
十二年而七周天炁生於閏二十八年十閏而炁行  
一周天炁孛皆有度數無光象與羅計同謂之四餘  
竝七政為十一也

按嘉興徐發天元曆理曰道之太原出於天天無言  
而四時行百物生即天之言也天無體而雲漢昭回  
懸象著明即天之體也天無方而寒暑往來星域成  
列即天之方也如紫微垣向亥帝座臨之所謂照臨  
下土乃眷西顧也斗建起於此十二支于數起於此  
天禽角亢亦起於此天道履端之始也斗杓所指既  
分子亥左右攝提兩判陰陽直紫微帝座天門之中  
以左右順逆為出政之始華蓋之柄下垂而立天皇  
太帝尊居太上雲漢如環覆幕六合斗威如仰承流  
布化高卑以陳動靜有常太初之體實然故子代父

政君逸臣勞為生人之定分文昌八穀文事也天句  
 天格武事也文東武西貴農賤穀元始之象實然故  
 文事尚左武事尚右明農以東行刑以西為百職之  
 定例壁在巳井在卯皆東方也故曰東壁東井氏在  
 乾故曰天根貫索在戌故曰天牢陽門即陽關在亥  
 故為中國之西北占主邊塞南門在角軫間夏至之  
 南門也軍南門在奎壁間冬至之南門也句陳在室  
 壁間屬未舍騰蛇在婁胃間屬巳舍故戌為句陳巳  
 為騰蛇軒轅旂青龍之體在星張間故東方為青龍  
 尾宿有伏虎之形又名尾虎在酉戌間故西方為白  
 虎鬼者魁也魁者首也乃天河之首尾者天河之尾  
 天乙太乙立於東垣之術冬至斗綱隨天而升自亥  
 至卯斗綱所貫得十二舍之陽夏至斗綱隨天而降  
 自巳至酉得十二舍之陰陽順陰逆凡陰陽術家之  
 說本乎天統者多皆古  
 之傳也附錄以備參考

渾天儀圖 宋製



唐堯即位羲  
 和立渾儀舜  
 之璣衡即渾  
 儀也渾天之  
 器始漢賈逵  
 張衡因之漸  
 加精巧唐李  
 淳風增四遊  
 儀與九道之  
 變以水激輪  
 使自轉宋沈  
 括為入妙元  
 郭守敬為至  
 精更創制簡  
 儀仰儀闕凡  
 圭表等法以  
 輔其所未及  
 尤加密焉

按嘉興徐發天元曆理曰言天者渾天曰蓋天曰宣  
夜宣夜之說絕而不傳其說亦誕歷代曆家多主渾  
天蓋天之說引周公問商高篇為言其曰笠以寫天  
則據地上可見者寫之為法耳譬如兩合只取上半  
合言乃聖人不欲以不可見者疑民之意其理實與  
渾天同黃帝之書天在地外水在天外夫天地之理  
猶夫物耳凡物之生必有胎卵胎卵必生於水萬物  
一理胎卵必圓重重包裹萬物一形何獨於天地而  
疑之天為卵殼地為中黃非喻言也實理也故釋典  
謂天之中有須彌山形如蓮花其根抵極小漸上而  
漸大大處為地中周圍有山涵蓄海水成世界其中  
為須彌山頂即大地之中高處東弗於速西瞿耶尼  
南閻浮提北鬱單越四海水在其上其中為須彌山  
頂四傍為四洲山頂之水分為四道注四洲以歸於  
下其下環大海水皆天體風輪火輪之所持載而不  
墜日月環行須彌山半上下皆照燭南洲晝則北洲  
夜北洲晝則南洲夜東西亦然由此觀之天形如卵  
可信而渾天之理亦無疑矣夫釋氏所謂須彌山即


大地也大地在天中正如果之有核卵之有黃日月  
雖環行而實斜經海水之下行於風輪火輪之間故  
易有明八地中之義非地有礙不可環行亦非行於  
水中也但斜環地下而非直環地下斜行如蓋而非  
平行如蓋能悟此理謂之渾天可謂之蓋天亦可桓  
譚謂人間卯酉非天之卯酉天之卯酉當在北斗兩  
傍今人間卯酉尚在北斗之南維而晝夜適平岐伯  
曰天地萬物皆一氣耳氣之清者為天濁者為地陰  
陽錯雜而成形者為萬物凡有質有相能動能靜無  
非氣也佛氏所謂金輪火輪水輪即儒者所謂元氣  
氣之燥而炤者為火氣之凝而剛者為金氣之潤而  
澤者為水大氣之內外層級不同如是如人之身外  
者為皮毛皮毛之內為骨肉骨肉之內為脂膜再內  
而為五臟六腑總一氣之所成故先儒謂人身一小  
天地四海即天地之氣血五洲即天地之臟腑也臟  
腑在人身中不至下陷大地何必下陷乎氣血在人  
榮絡不至凝竭海水何必凝竭乎釋書謂日月星宿  
各有一重天混茫之中是名太初實生三氣上氣曰



嘉興徐發天元曆理曰舊經謂箕尾之間謂之雲漢有二道其南經傳說魚淵天箭河鼓其北經龜貫箕下次絡南斗魁左旗至天津下而合南道乃西南行又分夾匏瓜絡人星杵造父騰蛇王良附路閣道北端大陵天船卷舌而南絡五車經北河入東井水位過南河關邱天狗天紀天稷至七星南而沒今按楊邦慶考序謂天津下倒分一派西映天市之吳越入宗人宗星而止驗之天象誠然則雲漢之在天亦有古今之異耶附錄以俟知天文者

太極北斗七星圖

太極之初地分陰未天  
如其象根陽分地初極



經曰斗魁四星屬陰逆而右旋斗杓三星屬陽順而左旋禽星起魁轉杓終於天權運化無端嘉興徐發天元曆理嵩山道人曰斗綱所以為萬事主宰者其炁本於太極渾元陰陽判而為天地其精舒而為斗之杓魁天理出焉於是人物生而萬事起焉天之有斗猶人之有胞胎生化不窮

星野太極北斗七星圖

二十八宿

宋天文志王奕曰自古言天者皆曰周天三百六十五度四分度之一何從而知審也曰天本無度因日之行一晝夜所纏闊狹強名曰度蓋日之行也三百六十五日之外又行四分日之一以一年而周於天馬以一日所行為一度故分為三百六十五度四分度之一范蔚宗謂日之所行在天成度在曆成日是也曰天固有其度而二十八宿亦各有度何從而定之一也曰二十八宿亦未始有度也天體冲漠雖分為三百六十五度然其度難別也故作曆者隸其度於二十八宿用以紀日月所躔而已蓋天之有度也猶地之有里也二十八宿所分之度猶九州列縣所占之里也二十八宿各有其度則日之行於天也蓋春在某星幾度仲春在某星幾度日躔可得而名也九州列縣各有其里則人之行於地也某日至某州幾里某日至某縣幾里驛可得而計也此星度所由起也曰二十八宿之度或闊狹何也曰日之所躔偶與此宿相當此闊狹於是分也故說渾天者曰日之

所躔或多或少或寡適當其星者凡二十八故度之多寡  
於是生焉井斗之舍非無星也然不與日躔相當故  
其度不得不闊觜鬼之傷非無星也然日躔一二日  
而其星適與相當故其度不得不狹也夫其得度闊  
狹非舉一宿全體盡占此度也或者不察謂二十八  
宿本有其度又見其宿得幾度遂謂舉一宿全體在  
焉則非矣

按嘉興徐發天元曆理曰上元甲子冬至子之半太  
陽躔軫宿九度在北極之下為天統之初象蓋北極  
之下為水萬物皆生於水此天統所以起子中也故  
子位之宿皆屬水水之上為地地之上為山山之上

為林木林木之上為天天理盡而人事興生殺德刑  
由之起狼獾為賊害之獸猪狗為禮食所需是曰家  
禽曰敵禽亦曰剛禽柔禽蓋有善必有惡有福必有  
害天人一德也地愈高而禽愈微處愈卑而物愈貴  
故水禽能制天禽飛禽能制山禽最下者地禽林禽  
必待合而為功此禽星所以為制化之本也至列宿  
之名蓋亦有義焉玉衡之下為軫軫者帝車之輓也  
天官書斗為帝車運乎中央軫前為角為亢為氐角  
者駕車之牛亢者牛輓氐者馬轡所以扞牧圉駕必  
為前道軫後為翼為張旂常也古車後必設兩旂如  
張翼然星者旂之所畫柳翼也所以障蔽狼不仁之  
獸也後人易之以鬼弧弧弓也罰伐也斧鉞也參參  
旂後人易之以觜參井昴旄頭畢雲罕皆車前所用  
之物也蓋自亥而子而丑而寅卯辰為陽陽主動故  
為行動之象胃者脾之府倉廩之官所以受穀食生  
養萬物者也養必安其居止其行牛繫曰婁繫而止  
之所以就養也壘土曰奎高阜也所以正方面駕屋  
曰室版築曰壁養之所由居以息也虛者虛梁危者

稼穡室之所由成也女以織牛以畊斗挹箕揚皆西  
 成之功居養之本也居養足而生育繁息尾之為書  
 孽尾子如魚而傳乃說生養既成教化乃起心為明  
 堂主宰出焉房為次舍神明守焉禮義得而心安其  
 舍靜之至也蓋自己而午而未而申酉戌為陰陰主  
 靜故為守靜之象此又古人定命之理也又曰東方  
 上宿其形如龍故曰蒼龍西方七宿其形如虎故曰  
 白虎南方七宿其形如鶉故曰鶉鳥北方七宿其形  
 如龜蛇故曰玄武

古分野圖



周制也陽城在中岳下  
 今從之閩粵嶺南地在  
 唐虞三代為荒服分野  
 以一楚繫之故未及圖

合黎河從西域沙磧下來其源自葱嶺山滿昌海又入西北沙漢中其東  
 派即弱水源亦從地地下出合於黃河張騫所謂星宿海者實河之別派也



漢術天文分野圖

周禮保章氏掌天星以星土辨九州之地所封封域皆有分星以觀妖祥議者謂周在中土而星之應在南魯在東而星之應在西齊在東而星之應在北似無可考然觀傳記所載十二國災祥之應又皆有驗而可知也

自尾四至斗六燕自斗六至女二越自女二至危十齊今術家所用祿命圖即此而遇宮之度稍有不同乃由司天家測天之地南



參差月令章句曰自危十至壁八衛自壁八至胃一魯分宮度自胃一至畢六趙自畢六至井十晉自井十至柳三秦自柳三至張十二周自張十二至軫六楚自軫六至亢八鄭自亢八至尾四宋

復古分野



星野復古分野圖

河圖括地象云天左動起於牽牛地右動起於畢易曰  
河出圖洛出書聖人則之大約古人天地陰陽術數  
之理未有不本於河洛者九州之中也故分野亦以  
河洛為中周髀測景亦以王城為準

周書作雒解曰乃作大邑成周於土中南繫於洛水  
北因於剌山以為天下之大湊制郊甸方六百里分  
以百縣縣有四郊乃設邱旒於南郊以祀上帝配上  
帝以后稷日月星辰先王皆與食諸受命於周乃建  
大社於周中其壇東青土南赤土西白土北驪土中  
央壘以黃土將建諸侯鑿取其方一面之土苞以黃  
苴以白茅以為封土此即周初之分野也

按嘉興徐發天元曆理曰上元有三正之制分野實  
出地統地統之首冬至子之半太陽躔畢九度居子  
中地統聖人乃立為分野之法所謂野者即列宿所  
經之天體也天象至圓方隅定位古人分星定野以  
至圓配定方原不過順天地自然之理左左右右東  
西南北不失其次所謂物物一太極耳然分野本出  
上古方國亦屬古疆域而帝王之興或易以時制星  
術諸家所言各異要知分野者指列星所屬之分而  
言分野視分星古不謂地也地有彼此之不齊而分  
野在天則一定而不易其國在此而星則在彼彼此  
若不相配而其為象未嘗不相屬非地在北其分野  
在天亦居北地在南其分野在天亦居南也以彼此  
不齊之地必欲求配於在天十二次整然之分野其  
說之難通也固宜蓋分野在前封國主祀在後非先

因封國主祀而後有分野也據此備錄古分野漢術分野復古分野於前十二辰次州郡躔次金水二星女宿星分胃昴畢井四星有關地方姓諸家所指於後以備參考

十二辰次

下止列酉申二辰有關星野者餘不悉載

晉天文志曰十二次班固取三統曆十二次配十二野其言最詳又有費直說周易蔡邕月令章句所言頗有先後宋天文志王奕按星本無次古昔黃帝因日月所會而為之名耳帝王世紀一度二千九百三十二里分為十二次一次二十度三十分度之十四周天積一百七萬九百一十三里經三十五萬六千

九百七十一里三統曆詳矣然帝王世紀費直周易蔡邕月令又與三統殊少或差一二度或多五六度何也是行也每歲有差則日月所會之次分度亦異此言十二次所以不同也

按嘉興徐發天元曆理曰漢志曆數三統天以甲子歷豕韋元枵星紀析木四次為天統起子中盡辰中子中者一陽初動天氣剝復之始在十一月為乾之初九陽氣伏於地下始著為一律應黃鍾又日合於天統步日必始冬至子半斗衡星直子中杓星分子亥之界攝提正於亥中帝座向亥亥為天門故乾卦居亥先天之易也曆象命禽所起人以甲辰歷大火壽星鶉尾鶉火四次為人統起辰中盡申中辰中者陽盛陰微人事夫始之始在正月為乾之九三萬物棊通族出於寅律應太簇又斗合於人統步斗必始

龍房大辰冬至黃昏斗杓建子其夜半杓星分界卯辰攝提正於卯中帝座向卯卯主茂萬物故震卦居卯帝出乎震後天之易也立命司祿所起地以甲申歷鷄首實沈大梁降婁四次為地統起申中盡子中申中者陰進陽退地氣否泰之始在六月為坤之初六陰氣受任於太陽萬物楙之於未律應林鍾又月合於地統步月必始三日出庚冬至至平旦斗魁建子其夜半杓星分界未申攝提正於未中帝座向未未主地故坤卦居未中天之易也分野定方所起附錄以備參考

史記天官書奎婁胃

徐

昂畢

冀

觜觶參

益

東井輿鬼

雍

劉安天文訓胃昂畢

魏

觜觶參

趙

東井輿鬼

班固漢書地理誌胃昂畢

趙

觜觶參

魏

東井輿鬼

秦

蔡邕月令章句自胃一至畢六

趙

自畢六至井

十

晉

自井十至柳三

秦

唐天文志初貞觀中李淳

風謨法象志因漢書十二次度數始以唐之州縣配馬而僧一行以為天下山河之象存乎兩戒北戒自三危積石負終南地絡之陰東及太華逾河并雷首底柱王屋太行北抵常山之右乃東循塞垣至歲貆朝鮮是謂北紀所以限北方也南戒自岷山嶓冢負地絡之陽東及太華連商山熊耳外方桐柏自上洛南逾江漢攜武當荆山至於衡陽乃東循嶺徼達東甌閩中是謂南紀所以限南方也故星傳謂北戒為

朔門南戒為越門河源自北紀之首循雍州北徼達  
華陰而與地絡相會并行而東至太行之曲分而東  
流與涇渭濟瀆相為表裏謂之北河江源自南紀之  
首循梁州南徼達華陽而與地絡相會并行而東及  
荆山之陽分而東流與漢水淮瀆相為表裏謂之南  
河北紀山河之曲為晉代南紀山河之曲為巴蜀自  
河源循塞垣北東及海為北方自江源循嶺徼南東  
及海為南方觀兩河之象與雲漢之所始而分野可  
知矣胃昴畢大梁也初胃四度中昴六度終畢九度

自魏郡濁漳之北得漢趙國廣平鉅鹿常山東及清  
河信都北據中山真定全趙之分又北逾象山盡代  
郡雁門雲中定襄之地與北方塞外諸國北紀之東  
陽表裏山河以藩屏中國為畢分循北河之表西盡  
塞垣皆髦頭故地為昴分冀之北土馬牧之所蕃庶  
故天苑之象存焉觜觶參伐實沈也初畢十度中參  
七度終東共十一度自漢之河東及上黨太原盡西  
河之地古晉魏虞唐耿揚霍冀黎郇與西河戎狄之  
國西河之濱所以設險限秦晉故其地上應天關其

南曲之陰在晉地衆山之陽南曲之陽在秦地衆山之陰陰陽之氣并故與東井通河東永樂芮城河北縣及河曲豐勝夏州皆東井之分參伐為戎索為武政當河東葢大夏之墟上黨次居下流與趙魏接為背觶之分 管窺輯要胃昴畢趙分

管鎮冀深趙膠東魏郡鉅鹿常

山廣平清河等州

管參晉分

管河中北至并州衛國涼國蘭州瓜沙等州

井鬼秦

分 管雍州岐隴秦城

按嘉興徐發天元曆理曰自奎初度至胃三度謂之析木之次分野東北隅地自胃三度至畢九度謂之星紀之次分野正北左地自畢八度在子之中為天正冬至平旦斗魁建子地元度自此至井十二度謂

之元枵之次分野正北右地自井十二度至柳六度謂之娵訾之次分野西北隅地澤潞以西抵乎大河恒山之北訖乎雲中仍屬胃昴之舊大河以西延朔以北靈夏之間仍歸參畢亦晉野之本界隴以西金城酒泉張掖玉門而外宜屬之井乃秦之餘也附錄備考

州郡躔次

下止列冀雍二州有關星野者餘不悉載

昴畢趙冀州 ○魏郡入昴一度 ○距鹿入昴三度

常山入昴五度 ○廣平入昴七度 ○中山入昴一度

清河入昴九度 ○信都入畢三度 ○趙都入畢八度

安平入畢四度 ○河間入畢十度 ○正定入畢十三

度

以上自魏郡至正定郡俱今北直隸地無山西地按史記趙地於天官昴畢分野內開西有太原定


襄雲中五原等郡茲州郡躔次  
止載北直諸郡而不及晉地

東井輿鬼秦雍州○雲中入東井一度○定襄入東  
井八度○鴈門入東井十六度○代郡入東井二十  
八度○太原入東井二十九度○上黨入輿鬼二度  
以上自雲中至上黨俱今山西地無陝西地按史  
記秦地於天官東井輿鬼分野內開北有北地上郡  
西河等郡茲州郡躔次止  
載山西諸郡而不及秦地

按容齋洪氏隨筆曰十二國分野上屬二十八宿其  
為義多不然前輩固有論之者矣其甚不可曉者莫  
如晉天文志冀州為趙其下所列無雲中諸郡雍州  
為秦其下乃列雲中諸郡無雍州諸郡謬亂如此而  
出於李淳風之手豈非蔽於天而不知地乎宋陸子  
淵亦嘗言分野之說難據謂以天之一度當地之二  
千九百餘里則蓋載之形歛

以上俱見文獻通考  
附誌以俟知者

北斗魁分主冀州圖



歌  
北斗之前七星明  
第一主帝為樞星  
第二第三璇璣是  
第四名權第五衡  
開陽搖光六七名  
紫宮之次是諸星  
按星有七州有九  
但兗青徐揚并屬  
二州故七星主九  
州也

天官書曰北斗七星所謂璇璣玉衡以齊七政杓攜龍角衡殷南斗魁枕參首用昏建者杓杓自華以西南夜半建者衡殷中州河濟之間平旦建者魁魁海岱以東北也

鄭樵曰北斗七星在太微北一天樞二璇三璣四權五玉衡六開陽七搖光一至四為魁五至七為杓說者謂斗樞冀州之域春秋緯文耀鉤云太行以東至碣石王屋砥柱冀州屬樞星蓋帝張四維運之以斗月徙一辰復返其所故其主如此自愚論之斗者天之喉舌號為帝車所以斟酌元氣平量萬物齊正四方者也又為人君之象號令之主徂南物生徂北物死循環六甲與日相值執之主冀亦隘矣况一謂冀州屬樞星一謂樞主秦衡主趙互相矛盾將安據乎





金水二星主山西圖

日月五星占候附

○太白


●辰

續漢志注曰辰星主常山主冀幽并太自主奎婁胃昴畢觜參

太白屬金西方之星也辰星屬水北方之星也而三晉與馬續漢志注曰辰星主常山主冀幽并太自主婁胃昴畢觜參唐書曰實沈以負西海其神主於華山太白位焉大梁以負北海其神主於恒山辰星位焉又曰燕齊候辰星占虛危晉亦候辰星占參伐秦晉好用兵復占太白邊塞數侵獨占辰星雖其說微有不同而西方金位北方水位則固不易之論也

考之天文太白辰星與歲星熒惑填星共為五緯所以紀綱羣星扶理百精匡輔化機者也經星靜緯星動惟動故其出入宿次比附日月進退離合伏逆遲留可以算數推難以法象求也專執之以主晉墟亦隘矣

女宿高晉星圖 占候附



歌  
四星如箕主嫁娶  
十二諸國在下陳  
先從越國向東論  
東西兩周次二秦  
雍州南下雙雁門  
代國向西一晉伸  
韓魏各一晉北輪  
楚之一國魏西屯  
楚城南畔獨燕軍  
燕西一軍是齊鄰  
齊北兩邑平原君  
欲知鄭在月下存  
十六黃星細區分


按嘉興徐發天元曆理曰天有日月猶人有兩目五行精氣聚於日月人五臟精氣聚於兩目故目有五輪日月有五色雞卵中黃兩點相對者伏之成晴凡物在胎睛先成精氣所聚也故日為陽精月為陰精陽健而陰順陽主而陰輔主居逸而輔任勞故日行遲月行疾曆家以退為進謂日疾月遲非理之實也日有南北盈縮為二十四氣蓋氣從日而轉日升則氣升日降則氣降日南則氣南日北則氣北日為氣母氣為日子天地一體也於是乎有黃赤二道赤道者天體之中黃道者二至出入赤道之限皆日行之所遍也月行南北盈縮與日相對而四遊傾倚則不同於是乎有九道九道者春倚東為青夏倚南為朱秋倚西為白冬倚北為黑四倚南北異傾而春秋分之日獨歸正於中赤中赤止一道四遊往返成八故曰九道青朱黑白皆強立之名也九道與黃道相錯經緯而朔望二交交不必盡會遲疾之故若遲疾相及而同度又同道為日食對度又對道為月食食必在交前後以二分二至日月行道相去遠近為食限

此其大略也又曰傳稱黃帝使闕苞規星星之有圖  
其來久矣二氣有五德五德者二氣之子二氣者五  
德之母故日月能具五行之全五行皆專於一精氣  
有獨勝也東方為日月所升之處西方為日月所降  
之處南方乃日月上行之處北方乃日月下行之處  
故陰陽二氣從之而升降浮沉而仁義禮智分焉中  
央者日月之所經行風雨之所和會其氣升降浮沉  
俱全為天地之中德處於四德之外而亦藏於四德  
之故土雖旺乎中實偏於四方在天為信信者誠  
也故八卦不言中宮而卦詞亦不言中德非不言也  
具於四德之內也此五者本即陰陽二氣而為升降  
浮沉所變乃偏於一德德者性之始也性者神之本  
也神者氣之母也氣者精之根也精者形之胎也故  
德著而成性性立而神生神凝而氣固氣積而成精  
精積而為形於是乎有五星五星各有陰陽故有十  
干陽為德陰為刑故陽干為正而陰干為偏正氣為  
德而餘氣為德亦為刑偏則雜也其行於天有遲疾  
其應於休咎亦有緩急各從其性也其所照臨之地

有宜忌其相值也有凌犯鬪蝕戰守喜怒制化各從  
其德也五步之法遲留伏逆各有定限原出天官或  
謂聖王之世五緯順軌無逆行妄也所謂順軌者即  
順遲留伏逆之軌耳故應遲不遲謂之贏應留不留  
謂之蹠應伏不伏謂之晝見謂之經天應逆不逆謂  
之縮蓋日為純陽得天之全體故日月相對而有望  
食轉避之理則五星當日豈無伏逆之道乎故見日  
而留近日而逆合日而伏日過而復皆以周天三合  
為限三合者天地之紀綱也若乃三垣二十八宿與  
羣星之象如綴如繫附於天而亘古不變則其精氣  
之薄又不及五星要亦本於二氣五行之散寄者焉  
故其為象也合於事物之形而其為占也亦應於人  
物之理地有一物天必有一星者物理精氣所聚也  
太剛為火火之在天則為日太柔為水水之在天則  
為月少剛為石石之在天則為星少柔為土土之在  
天則為辰故燧取於日而得火方諸取於月而得水  
水月一體星隕而為石石星一體自日星之外皆辰  
也自水火石之外皆土也是辰與土一體也兩者水

氣之所化也風者火氣之所化也露者土氣之所化  
 雷者石氣之所化也水氣蒸則為雲降則為雨疑則  
 為雷土氣升則為霧降則為露結則為霜雷生於石  
 電生於火有雷則有電火出於石也電與風同為陽  
 之極也蓋天有是理乃有是象而人物即有其事應  
 之後人反謂人物生於下而精氣成於上夫其本末  
 矣附錄以  
 備參考

星分胃宿圖 占候附



歌  
 三星鼎足河之次  
 天廩胃下斜四星  
 天胃十三星如乙形  
 河中八星名大陵  
 陵北九個天船名  
 陵中積尸一個星  
 積水船中一黑星


胃三星距西南星去極六十七度半。○天廩四星去極八十五度半。八胃宿十二度。○天困十三星距大星去極九十一度半。八胃宿六度半。○大陵八星距大星去極五十四度。八胃宿七度。○天船九星距大星去極五十四度半。八胃宿十度。○積尸一星去極五十五度。八胃宿四度。○積水一星去極五十三度。八昴宿初度。

占候

胃十五度。天之廚藏天穀之倉也。又名大梁。明則四時和平。天下晏然。倉廩貴不明則上下失位。星小則少穀輸運。又云動則有輸運事。就聚則穀貴。人流暗則凶荒。五星犯日月食。孛侵竝有災。五廩四星在昴南。一曰天廩。張衡云主積蓄黍稷以供享祀。春秋所謂御廩也。天困十三星在胃南。倉廩之屬。王給御糧也。明而黃則歲豐。微變常色則不吉。金火守之即災起。大陵八星在胃北。主陵墓。明而大。或中星多則天下多死喪。或兵起。天船九星在大陵之北。居河中。一曰舟星。主渡。亦主水旱。不在河中。津河不通。水泛溢。

中四星欲其均明即天下安不則兵若喪移徙亦然  
 客彗出入為大水有兵大陵中一星曰積尸明則死  
 人如山張衡云一名積廩積尸明而大或有傷星多  
 則天下足死喪或兵起若不見而暗皆吉火守則天  
 下大哭泣天船中一星曰積水主候水災

星分昴宿圖 占候附



卷古

月

七星歌  
 一聚實不少  
 阿西月東各一星  
 月下五黃天陰名  
 陰下六為窮業營  
 營南十六天苑形  
 河裏六星名卷舌  
 舌中黑點天鏡星  
 礪石舌翁斜四丁

昴七星距西南星去極七十度。○天阿一星去極六十六度入胃宿十度。○月一星去極七十一度半入昴宿五度。○天陰五星距西星去極七十五度半入胃宿七度。○天苑十六星距東北星去極一百七度半入昴宿七度半。○芻藁六星距西行中星去極一百八度入婁宿十一度。○卷舌六星去極五十三度入昴宿初度。○天讒一星去極六十一度半入昴宿半度。○礪石四星距南第二星去極六十五度入昴宿六度。


占候

昴十一度下為日月中道天之耳目也主西方主獄事張衡云昴明則獄訟平又第七星為毛頭跳躍則胡兵大起熒惑守其北燕趙兵起太白守之胡兵動天阿一星在胃東月一星在昴東主女人灾福夫陰五星在畢柄西主從天子弋獵之臣天苑十六星在昴畢南如環狀天子苑圍養禽獸之所也芻藁六星在苑西以供牛馬之食也卷舌六星在昴北主口語以知讒佞張衡云主樞機曲而靜則賢人用直而動



則讒人得志天讒一星在卷舌中王醫巫礪石四星  
在五車北主磨礪鋒刀

星分畢宿圖 占候附



恰似瓜父八星出  
附耳畢股一星光  
天街兩星畢背旁  
天節畢下八烏幢  
畢上橫列六諸王  
王下四皂天高星  
節下圍圓九州城  
畢口斜對五車口  
車有三柱任縱橫  
車中五個天潢精  
潢畔咸池三黑星  
天關一星車脚邊  
參旗九個參車間  
旗下直見九祥連  
祥下十三烏天園  
九祥天園參脚邊

星野畢宿圖

畢八星距右股第一星去極七十五度。○天街二星距南星去極七十一度。入昴宿十度。○附耳一星去極七十七度。入畢宿三度。○天節八星距北星去極八十度。半入畢宿三度。○諸王六星距西星去極七十度。入畢宿三度。○天高四星距東星去極七十四度。半入畢宿六度。○五車五星三柱九星距大星去極四十七度。半入畢宿八度。半。○天潢五星距西北星去極五十八度。入畢宿十一度。○咸池三星距南星去極五十一度。入畢宿十一度。半。○天關一星去極七十一度。半。入觜宿初度。○參旗九星距南第一星大星去極八十七度。入畢宿六度。○九旂九星距南星去極一百一十三度。入畢宿十二度。○天園十三星距東北星去極一百二十四度。入畢宿五度。


占候

畢十七度主邊兵弋獵其大星曰天高一曰邊將主四夷之尉也。星明大則遠夷來貢失色則邊兵亂動。搖邊城兵起。甘氏曰畢主街巷陰雨天之雨師也。張衡云畢為天馬昴畢間二星曰天街主國界金火守

之胡夷兵起明王道正暗兵起附耳一星在畢下主  
聽得失星盛主中國微有盜賊邊堠警動移則讒佞  
行兵大起天節八星在畢南主使臣之所持也明吉  
暗凶諸王六星在五車南主宗藩明則天下安不見  
宗社危天高四星在參旗西北近畢此臺榭之高主  
遠望氣象不見則官失其守五車五星三柱九星主  
天子五兵西北曰天庫主太白秦也東北曰天獄主  
辰星燕趙也東南曰天倉主歲星衛魯也中央曰司  
空主填星楚也西南曰卿星主熒惑魏也五星有變

各以其所主占之又填星舍五車燕代大旱三柱一  
曰三泉一曰休一曰旗五星明柱皆具則倉廩實一  
曰天子得靈臺之禮則五車三柱均明有常天潢五  
星在五車中主河梁津渡咸池三星在天潢南魚圍  
也天關一星在五車南畢西北亦曰天門主邊事主  
關閉參旗九星在參西五車之間天旗也明而希則  
邊警不動流星入北地兵起玉井西南九星曰九旂  
天子之旗也主邊軍進退金火守之兵亂起天苑之  
南十三星曰天園植果菜之所也曲而鉤則果菜熟

星分井宿圖 占候附



八星行列河中淨  
 一星名鉞井邊安  
 西河各三南北正  
 天尊三星井上頭  
 尊上橫列五諸侯  
 侯上北河西積水  
 欲寬積薪東畔是  
 鉞下四星各水府  
 水位東畔四星序  
 四清橫列南河裏  
 南河下頭是軍市  
 軍市團圓十二星  
 中有一個野雞精  
 孫子丈入市下列  
 各立兩星從東說  
 關邱兩星南河東  
 邱下一狼老蓬茸  
 左畔九個彎弧弓  
 一矢擬射頑狼胸  
 有個老人南極中  
 春秋出來壽無窮

井八星距西扇北第一星去極六十九度○鉞一星  
 去極六十九度少入參宿八度半○北河三星距東  
 大星去極六十一度半入井宿二十度○南河三星  
 距東大星去極八十三度半入井宿二十一度○天  
 尊三星距西星去極六十八度入井宿十六度○五  
 諸侯五星距西星去極五十六度半入井宿六度半  
 ○積水一星去極五十四度半入井宿十八度○積  
 薪一星去極六十五度半入井宿二十七度○水府  
 四星距西星去極七十六度半入參宿七度半○水

位四星距西星去極七十三度半入井宿十八度○  
四瀆四星距西南星去極八十六度入井宿二度○  
軍市十三星距西北星去極一百七度半入井宿初  
度○野雞一星去極一百九度半入井宿四度半○  
丈人二星距西星去極一百二十八度入參宿四度  
子二星距西星去極一百二十八度入參宿九度○  
孫二星距西星去極一百二十五度入井宿六度○  
闕邱二星距大星去極九十一度少入井宿一十五  
度○狼一星去極一百七度半入井宿十度○弧矢  
九星去極一百一十四度入井宿十五度○老人一  
星去極一百四十三度入井宿三度

### 占候

井三十四度甘氏曰主泉水日月五星貫之為中道  
石氏謂之東井亦曰天井主諸侯帝戚三公之位故  
明大則封侯建國張衡云天之南門也黃道所經為  
天之亭候法令所取平也王者用法平則井明而端  
列鉞一星附井前南北兩河各三星分夾東井主關  
梁三光之常道也張衡云河北星不見則北道不通

南亦如之天尊三星在五諸侯南主給貨錢明則  
諸侯五星在東井東北主治陰陽察得失積水一星  
在北河北不見為災積新在積水東以備庖廚明則  
人主康水府四星在東井西南而東則為水位四星  
俱主水衡四瀆四星在東井南江淮河濟之精也軍  
市十三星在參東南天軍貨易之市野雞一星主變  
怪在軍市中軍市西南二星曰丈人文人東二星曰  
子又東二星曰孫闕邱二星在南河東主象魏狼一  
星在軍市東南為野將變色動搖賊盜作弧矢九星  
常向於狼引滿則兵大起老人一星在弧南一曰南  
極常以秋分之旦見於丙明大則人主壽昌天下安  
寧

按朔州在禹貢冀州之域昴畢大梁之次於辰在酉  
於州為冀趙之分也而胃井附入焉雖諸生家所言  
度數起終稍有不同而大梁為趙其占為昴畢則無  
不同也但昴畢同宮其間為天街天街分陰陽之國  
陘嶺為中外之界三關占畢昴不占天街天街者隘  
塞也以星主言昴畢者宿度也以分野言分野之以  
列宿為度猶天樞之以小星為極寄其所指而已是  
故星主占星分野占天蓋竝行而不悖也

圖書編載山西諸郡太原參井分野平陽紫參分野  
潞安參井分野汾州參分野大同昴畢分野澤州紫  
參分野遼州參井分野沁州參井分野朔州前隸大  
同今歸朔平南臨雁門北逼邊外東連恆山西近黃

河秦晉俱為西方陰陽之氣并故與東井通而冀之  
北土馬牧之所出天苑之象存焉胃得馬牧之氣且  
趙之分野兼胃昂畢三星其為昂畢分野兼胃井二  
宿亦有可據而朔遺老相傳胃為穀藏之府州人以  
稼穡為生重農力田分野得天廩天圉一二星其說  
亦通但胃昂畢為趙分所屬甚廣不止山西朔大二  
郡至州又支郡百里之區必執以為屬胃某星則固矣悉附志以備考

### 諸星 占候附

**中台下星主冀**邊國警則下星**招搖一星主北邊兵**

近北斗在杓端芒角變**天鋒一星主北邊兵**一名元

搖北天伐也芒角變動則邊兵起**梗河三星主北邊兵為劍戟之星**

在帝座北招搖在其中不見或進退不定鋒鏑亂起大為邊境之患**傳舍九星主外使**

**入中國**在華蓋上近河賓客之館也客星守之備姦使**長垣四星主界域**在少

微南太白入邊將叛**天關一星主邊事**在五車南一曰天門為限隔內外障絕往來禁

道之作**南門二星主守兵**在庫門南天之外折威七

達者**星主斬殺**在亢南金火守**陽門二星主邊塞險阻之**

地**狗二星主吠守**在南斗魁前客星

在庫樓東北客星出有邊警**狗二星主吠守**入北邊饑守之守

禦之臣**狗國四星主三韓鮮卑獫狁烏桓之屬**不明

作亂**河鼓三星主三將軍及關梁險阻**一名三武在

明起**天壘十二星主北邊及**牽牛北明大

光潤將軍吉動搖差度亂兵起直則將有功曲則將失律**北落師門一星**

王正常以候其在利林西南明夫則燿四星

備警急一曰烽在鬼西北占以不明安靜天根星

所生也生尾宿中見以若彗星太白所生也竹彗星

甲寅日有兩青方在旬太白所生也生昴宿中見天攬歲星之精也長數燭

以庚寅日有兩白方在旬見奎婁間有土功邊人星和以上見山西通志

### 周書正歲

汲冢周書周月解惟一月既南至昏昴畢見日短極

基踐長微陽動於黃泉陰慘於萬物是月斗柄建子

始昏北指陽氣虧草木萌蕩日月俱起於牽牛之初

右回而行月周天起一次而與日合宿日行月一次

周天歷舍於十有二辰終則復始是謂日月權輿周

正歲道數起於時一而成於十次一為首其義則然

凡四時成歲有春夏秋冬各有孟仲季以各十有二

月中氣以著時應春三月中氣雨水春分穀雨夏三

月中氣小滿夏至大暑秋三月中氣處暑秋分霜降

冬三月中氣小雪冬至大寒閏無中氣斗指兩辰之

間萬物春生夏長秋收冬藏天地之正四時之極不

易之道夏數得天百王所同其在商湯用師於夏除



民之災順天革命改正朔變服殊號一文一質示  
相沿以建丑之月爲正易民之視若天時大變亦一  
代之事亦越我周王致伐於商改正異械以垂三統  
至於敬授民時巡狩祭享猶自夏焉

按嘉興徐發天元曆理曰日纏右轉月建左行天道  
晝夜循環而每過一度者順行之迹也終歲經三百  
六十五度有奇而留餘未盡者逆差之數也順行者  
四時之流行其象顯萬物所由化也天之用也逆差  
者五德之默運其象隱世道所由變遷天之體也體  
者元氣而運者五行五行布於外元氣藏於斗故聖  
人立斗建以明之差至一舍則有易建之法謂之命  
斗斗綱既定而日月不齊則四時易位乃立閏法以  
齊之謂之置閏閏積既久則歸餘漸溢乃爲減朔以  
趨之謂之及朔改朔與改正不同蓋天地以陰陽二  
氣爲德刑生殺之用其權皆係於斗故斗之所繫連  
亘五辰首尾四正動成三合三合者杓辰魁申合在  
子杓卯魁未合在亥杓巳魁酉合在丑杓午魁戌合  
在寅斗星皆全見於天故寅丑子亥爲天統得爲歲  
之首其餘八辰之合斗必入地不全見故爲地統人  
統不得爲歲首以昏旦夜半變通之爲三建法建法  
雖三而取爲歲首者四故又曰四建古曆建正作於  
孟春言曆以斗建爲正必始於孟春也蓋春爲歲首  
百王所同要知建以順率天象天象有變遷則斗建  
不可易矣二者一從天一從人交相爲用建可移而  
月不可移朔可改而時令必不可改原有歲差之理  
在也王者受命必慎始初改正朔於是乎三統垂法  
六律定儀正朔攸分天人共治而文質異尚剛柔異  
理犧牲服色禮樂器械異制凡所以順天道而應天  
時斗運差數則然非徒爲更張若漢人所謂三正循  
環文飾盛事而已也又曰大約古初質樸測天作曆  
必起日至卽以日至爲一歲終始亦情理之常自中

天聖人制度文爲必合民情始覺冬月祈寒爲歲首  
不便人事非朝覲會同所宜乃易以春月因有天正  
人正之別天正者天道所始仲冬月也人正者人事  
所始孟春月也故甲子篇法以仲冬之月爲畢取而  
堯命羲和以星鳥正仲春夏后頌時以參中斗建爲  
正月此必前古皆不然而今然之故頌聖人之特命  
與開國之初頒若前代已無不然堯命禹頒亦其文  
耳周東遷後古法淪亡周魯失曆非文武周公之制  
孔子作春秋加王於正月以見志以見非天之春乃  
時王之春非古法之正月乃時王之正月或亦夫子  
筆削微意於爲邦之問又顯然一詞以斷之曰行夏  
之時專爲魯史春字而發彰明較著者也玩此則殷  
周之初皆改正不改月卽秦改正不用建卯建子而  
用建亥亦古法四建之一特秦用之不得其時耳附  
錄以備  
參考

### 支干

壬燕趙癸塞外又曰寅趙亥燕代見山西通志

按朔州春秋時雖屬趙地在境北東隣燕代地支似  
應在戌亥之間

### 節氣

大梁初胃七度清明中昴八度穀雨終於畢十一度

實沈初畢十二度立夏中井初度小滿終於井十五

度見山西通志

按朔州在山西西北五百里雁門關外北西南三面皆  
山節氣較遲霜降最早比之右玉左雲平魯少覺和  
暖而與關南節氣實不同也舊志載春末猶寒秋初  
即霜冬極冷田成一季信然

### 春

立春後必有大風天尚寒冷驚蟄後東風解凍春分後候雁北雷乃發聲農事方動種二麥及罌豆清明後冰消草木甲拆杏花開穀雨後種穀

### 夏

立夏後天氣和暖苦菜秀種糜黍小滿後種黑豆及瓜芒種後漸熱種小糜穀夏至後王瓜生種蕎麥小暑後牟麥熟人服紗葛大暑後收麥豆

### 秋

立秋後天氣微涼處暑後百穀秀齊白露後漸涼山有微霜獮食瓜果秋分後鴻雁來雷始收聲蕎麥糜黍穀豆皆熟寒露後漸冷草木黃落霜降後水始冰服裘醃菜

### 冬

立冬後天氣寒地始凍農工甫畢大雪後冰極盛水澤腹堅冬至後極冷小寒後凍膚龜指咳唾成冰

### 祥異

春秋書異不書祥亦不著事應蓋以天道遠而難察人道邇而可考人能修德則轉異為祥不德即祥亦異也洪範以五事配五行兩賜寒燠風應肅又哲謀聖又曰王省惟歲卿士惟月庶尹惟日古聖王設臺

觀象以望氛祲而察災祥良有以也然而隨分考驗即良有司亦不廢焉唐虞三代莫可稽矣茲於秦漢而下或祥或異有關地方者悉錄於後以備參考

漢高祖七年月暈圍參畢七重占曰畢昴間天街也街北胡也街南中國也昴為匈奴參為趙畢為邊兵是歲高皇帝將兵擊匈奴至平城為冒頓單于所圍七日乃解武帝建元六年魚尤旗見其長竟天後遂命將出征略取河南地置朔方郡其春戾太子生是後師行三十年兵所誅屠夷滅死者不可勝數及平蠱事起京師流血僵尸數萬太子子父皆敗故太子生長於兵與之終始順帝建康元年秋八月帝崩太子即皇帝位年二歲是為冲帝九月京師及太原雁門馬邑地震

晉武帝咸寧三年白龍二見新興井中四年六月

丁未廣武地震甲子又震五年閏七月壬子新興

雨雹太康六年六月新興山崩水湧出惠帝元

康五年九月雁門新興等郡大風傷稼永寧元年

七月新興青虫食禾十傷六七東晉恭帝元熙元

年正月新興郡獲白雉十二月獲白鹿老人化為

石

時晉末雁門郡吏賈相入句注西陲見老人言四十年後聖人出於北方時當大樂老人隨化為石

北齊

後主武平三年

陳文帝天建二年也

朔州城門外有小兒

脚跡擁土為城雉之狀漸南至并州時人怪而察之

乃妖狐所為

唐

高宗永徽元年四月朔州地震

憲宗元和七年

振武河溢

宣宗大中三年十月辛巳振武軍地震

壤廬舍壓死者數千人

後周

太祖廣順二年冬十一月朔州獲白兔

宋

太宗淳化三年

遼統和十年也

七月桑乾河溢漂禾壞屋

溺人甚衆

哲宗元佑七年十月庚戌朔州地震

元

世祖至元四年五月朔州大水

明

英宗天順五年秋八月朔州民張復初田產嘉禾

有一本二穗三穗四五穗者四十餘畝知州何永取

二百本呈都御史韓雍以聞 孝宗弘治十二年五

月二十日辰時空中有聲如雷白氣冲天火光迸裂

落一大石如車輪於城北馬雲堡村入地七尺餘隨

有碎石迸出三五十里外其色皮黑內青氣如硫黃

質甚堅臚民人程演等具報知州程端白於巡撫都

御史劉獻以聞 十三年崑山尹張洵歸休於家植  
盆菊一本開黃白二色 世宗嘉靖二十六年十一

月內狂風大作遮避天日白晝張燈民人大驚次年  
大荒百姓逃竄 三十一年大荒貧民餓死者過半

穆宗隆慶二年旱魃爲虐五穀不登百姓餓死者  
甚衆 神宗萬曆四年西鄉穀秀雙穗者千餘本

九年傳門瘟疫弔送者絕跡 八月隕霜殺稼 十

六年六月隕霜雨雹 二十九年大荒餓死者載道

賴知州屈煒奉文與學正賈鉉早晚向東南二關煮  
粥濟之饑民就食者日千餘人 懷宗崇禎元年大

旱自春徂秋禾苗不能播種是歲兵荒交集斗粟緡  
錢餓死大半 二年兵荒之後流離饑餓僧人顯明

善人華時英捐資倡衆郊外為萬人坑數日填滿知  
州翁應祥煮粥救饑全活頗衆是歲亦旱至秋薄收

### 國朝

世祖順治四年飛蝗入境秋禾食盡大饑 五年蝗蝻為災

夏秋禾苗食盡又饑 八年又饑瘟疫傳染人畜多

斃

聖祖康熙三年夏旱秋潦早霜次年大饑陽和兵備道曹溶  
詳請捐賑巡撫楊熙以

聞奉

旨發帑開倉賑濟竝蠲免本年丁糧民賴以甦 十七八  
年田禾豐收糜谷每斗價錢三十三文米麥每斗價  
錢七十文 十九年春甲子日雨後是歲大旱夏秋  
禾俱未收 二十年大饑人食草根木皮死亾者衆  
知州張興午申請各憲具 題

特遣大臣同巡撫雁平道張道祥煮粥散銀賑濟竝蠲免  
本年丁糧仍移 京師例於大同捐米民賴以活逃  
亾漸歸是年夏田未種秋禾自發歲大稔人慶天賜  
二十二年十月初五日申時地震壞民廬舍二  
十八年旱歲大饑知州管正仁申請冬十一月

特遣大臣發帑賑濟竝免田租

今上雍正元年春二月五星聚奎田禾豐收人慶樂歲  
三年二月初二日庚午日月合璧五星聯珠 七年  
冬十二月二十八日夜直北紅光滿天如日方升自  
亥至丑方隱識者謂之復旦云 九年二月初四日

午時州境五色慶雲見霞光遠日歷未申三時猶隱  
隱如見知州汪嗣聖申報巡撫覺羅石 學院勵  
具題以

聞十一年十一月初十日申時五色雲見如前

星麗乎天野分乎地而占候則存乎人是故西儀一  
氣三才一理氣固相通理實一貫歷覽經傳堯曆象  
日月星辰敬授人時舜在璇璣玉衡以齊七政周禮  
保章氏以星土辨九州之域皆有分野以察妖祥孔  
子繫易觀乎天文以察時變聖人所紀章章若是至  
如枉矢西流鉅鹿得解月暈天街平城是圍使星向  
益而李邵先知馬策不搖而周騰預料中台星坼月  
犯少微福德在燕黃星出昴天人之應若桴鼓古之  
明哲占驗頗多善乎司馬子長有言德隆則晷星星  
隆則晷德董子天人策對曰善言天者必有驗於人  
然則和氣致祥乖氣致戾恐懼修省禍始卽為福先  
是在審幾察微人定勝天之君子矣






书名	《...》	册数	1	纸
定价	...	...	...	...
编号	字第...	...	...	号

北京市中国书店定价表